

JEDAN GRAD, JEDNA BORBA

Piše ko zna, smije i umije; izlazi kad treba i mora; štampa se u kućnoj radinosti.

Dvoje naših sugrađana izgorjelo je u svom stanu:

VENTIL HIDRANTA BIO ZATVOREN

Eksplוזija plinske boce izazvala je požar u stanu na Alipašinom polju 6. februara 2017. Vatrogasci su stigli na vrijeme ali hidrant nisu mogli koristiti zbog zatvorenog ventila.

Vatrogasci i policija nisu imali opremu koja bi im omogućila da se probiju do dvoje starijih ljudi zarobljenih u požaru.

DVOJE LJUDI JE U POŽARU IZGORJELO.

Šta je sljedeće, ko je sljedeći?

NENADLEŽNI ZA SVE

Vlasti se nisu izravno oglasile ali se u javnost već plasiraju pričiце koje će ih osloboditi bilo kakve odgovornosti:

→ Građani su nesavjesni pa plinske boce svakakve.

Neće nam vlasti reći kako se trguje plinom i bocama, ko piše dozvole trgovcima, kako inspekcije instalacija izgledaju, itd.

→ Vatrogasci nesposobni.

Neće vlasti spomenuti kako ulažu desetine hiljada naših para u opremanje specijalne policije za obuzdavanje demonstracija i protesta, a vatrogasci nemaju ni boca s kisikom ni čestita zaštitna odijela.

Neće vlasti reći ni da HIDRANTSKA MREŽA NE RADI i da su vatrogasci na lice mjesta stigli za 4 minute, a onda razvlačili crijevo još preko 10 minuta.

→ Krađu se hidranti i protivpožarni aparati.

Neće vlasti ispitivati kako su nas doveli do takve bijede da se izdržavamo krađom - niti ko je pustio gazde otpada da hidrante, kablove, šahtove i sl. nekažnjeno otkupljuju.

→ Komšiluk ravnodušan i nemilosrdan.

Neće vlasti priznati da su, i pored toga što huškaju ulicu na ulicu i čovjeka na čovjeka već dobre tri decenije, upravo momci iz komšiluka pokušali kroz vatru doći do unesrećenih.

ŠTA U GRADU SARAJEVU POSTAJE NORMALNA SVAKODNEVNICA?

- Da starci umiru u požaru jer hidranti ne rade a vatrogasci nemaju opreme.
- Da omladinu po ulicama ubijaju objesni automobilski 'trkači', za zabavu.
- Da djeca ginu po igralištima.
- Da padaju skele s građevina i radnici ginu, a svi mi budemo sretni da ne padnu na prolaznike.
- Da vode u kućama nemamo po pola dana.
- Da gradski prevoz ne radi.
- Da se zimi gušimo u smogu.
- Da lijekova, ni za najteže bolesti, u bolnicama nema.
- Da se za ilegalno nošenje oružja plati neznatna kazna.
- Da kriminalci s pravomoćnim presudama slobodno hodaju ulicom, a poneki se namjesti i kao zastupnik u skupštini.
- Da ljudi na temperaturi ispod -10 rade na otvorenom po 10 sati dnevno.
- Da za posao ljudi moraju trpjeti sve: neplaćen prekovremeni, prohtjeve gazde, rad bez bolovanja i bez godišnjeg i bez pauze, rad bez uplaćivanja socijalnog i zdravstvenog.
- Da se odobri zgrada od 4 sprata a izgradi zgrada od 11 spratova koja uruši cestu.
- Da se gradi i betonira i zadnja slobodna površina kako bi bogata elita mogla stanove izdavati i biti još bogatija, a fukara neka se seli ili neka plaća kirije kao za turiste.
- Da se za ulazak u javne prostore, kao što je Vijećnica, mora platiti.
- DA SE SVE MORA PLATITI IZ VLASTITOG DŽEPA pa ko ima para, ima i života.

SRETAN NAM NAJBOGATIJI BH. KANTON!